

余既得仁和沈樵園先生所纂兩浙人物志
十六卷閱一年後以是冊蓋一時傳錄
之本同為陳仲魚所錄而藏圖記如一
皓劫後故家藏書十佚八九是書難
而後合未始非緣也卷中有板後卷
畢印何夢花上舍名印皆名儒卷
藏者以此為孫觀齋先生乃親筆
七丁卯夏五月李興新書於人化


兩書未有孫本均藏書
家孫如國球



董浦先生著書刊行甚多此浙江山川古蹟記彙本則藏
家未見著錄先生於雍正辛亥聘修兩浙全志草成兩浙
經籍自志序見道古堂集經籍志以有所避忌官修官定
不与采用序言極為憤慨此山川志亦係先後屬州或
意見不合闕而未出許宗彥擬先生別傳有曰遺書未刊者
尚夥往、散落人間此彙本即其一也經寫精完先歸陳簡莊
進入別下齋與沈樵園撰兩浙人物志彙本可謂舊鈔本
中雙璧 乙亥九月初十日霜根學人長洲章鉉題



浙江山川古蹟記序



兩浙甲稱寓內蓋山川之勝為多現夫天目遙峙兩峰並列以介海門環繞若帶而吳峰秦望諸山錯落其間以是越稱霸越宋徒都龍飛鳳舞往牒微焉若乃湖波澄秀江濤奇詭咸足壯覽現而侈談說斯人文所繇鐘毓矣哉凡叙山川者或等其遠近或坎其大亦其峰巖洞壑之類或附見於下或分見於後各從一例庶於義有據也舊志所列或首其大者或先其近者甚則兩無所據而漫然及之者至於峰巖洞壑往往互見或分見焉參錯不倫何以為義例乎予所叙諸山率皆自近及遠由東及西而南而北而之隔皆以以故

浙江山川古蹟記序



有以培塿而首千仞者地近也或の方之正也以窮蔭
而後周阜者地遠也或四隅之偏也乃諸峰巖巖洞
之屬則各以類分見於後度乎山與山齒則可敘其前
後左右而文彩可施峰與峰齒巖與巖齒則見其派
列區分而披覽亦便亦猶叙水者先海次江次河次溪
流諸委當叙海時不聞及海之支流也及叙江時不
聞述以之分派也嗟々掛漏舛錯者多庸論矣若
徒記其名水大而藻績不施此與陸經白籍何異
頃見唐志所載山形物產以類連事煥然有文真
可增現山川庶為懿典予因參稽遺牒質以故老之言

考厥地形博稽物產聯絡組繪輯為是書後云按
籍外游者亦知撰者苦心云



浙江山川古蹟記卷目錄

卷一

全省考

卷二

臨安山川考

卷三

嘉興山川考

卷四

四明山川考

卷五

赤城山川考

仁和杭大宗世駿輯




吳興山川考

紹興山川考

金華山川考

浙江全圖





玉環山

玉環山舊名木嶼亦名木榴亦名地肺南宋以後改今名山界温台之間分屬崇清太平二縣延袤七百餘里四面距海外際大洋實温台之門戶全浙之藩維也明洪武時徙其民實內地而是山孤懸海外蒙茸蟠結歷有年所矣雍正五年總督李衛題請展復奉

命經營相度因山築城因城濬池招徠農氓延疆巡理曰壇曰廟軍營官廨室廬倉庫悉置如制田沒墾藝賦則三壤設官以撫之駐兵以衛之都鄙有章封漁有度魚鹽有定則斤鹵有賸利與夫墩臺峰堠遊巡哨探之方具有成憲由是雞犬桑麻熙々攘々而玉環遂為良畧間沃壤云

天目山

天目東西兩山太平寰宇記云高三千九百丈廣五百五十里水因山曲折東西巨源若兩日然故曰天目咸淳臨安志云一名浮玉山聯亘杭湖宣歙四州周八百里東目之脈萃于餘杭結穴于徑山西目之脈直走錢塘包絡于武林山是天目者杭之玉山而形家所謂龍飛鳳舞列錢塘者也山多險潭分上中下三級最上一潭水腥不可觸有犯之者風雨雷電交作蓋龍之靈氣也山下有洗眼池相傳梁昭明分經洗眼于此山半有瀟王巖傳是高麗瀟王參禮中峰處有昇仙峰傳是徐仙鍊形羽化處仙銘石二十餘角剝削如銘或尺許或六七寸一二寸許有未剝者亦繩墨綫之痕點死然神人變化乃爾道藏列之太微元蓋洞天洵不虛云山愈高愈寒登蓮花峰者必繩引而上十月後天欲雪羣猿繞屋而啼依人不去蘇軾有云自天目山俯視雷雨但聞嬰兒聲不聞雷震宜寰中裹糧者少也

武林山

杭州舊稱武林以山得名漢地理志云武林山武林水所出舊志以為即重隱山引宋人樓鑰詩為據明一統志又合重隱飛來峰為武林山邵穆生辨之詳矣蓋武林山者重隱天竺諸山之總名也自晉僧慧理有天竺國重鷲山飛來之語而後有重鷲之名有重隱之名有天竺之名有飛來之名至蓮花佛國白雲白猿獅子香爐之名皆繼慧理而發者而南高北高五雲漢桂乳竇月桂諸名則又眾山之別稱要皆武林之支山也重隱天竺兩山由一山門入有南北二澗循澗而北經迴龍橋度飛來峰對冷泉亭有純勝覺場是為重隱寺循澗而南由下竺達中竺至白雲峰下是為上天竺寺南澗之水發源于白雲峰北澗之水發源于石人嶺會流于合澗橋東注二里許經行春橋而入于西湖是為錢源晏殊題要云錢塘武林山錢源出焉即漢志所謂武林水出武林山是也

四明山

四明山在鄞縣西南百五十里由天台山發脈東北湧為二百八十峰中三十六峰周回八百餘里綿亘鄞奉慈三邑及紹興之餘姚上虞嵊台之寧海諸境上有石窗四面玲瓏望之如牖中通日月星宿之光故曰四明木元虛云天下第九洞天孫曰丹山赤水是也山西連春起狀如奔牛曰奔牛山中有三朶峰宋張平子居焉其支山為杖錫峰為石樓為松巖為大小雷為雞籠為峰火樓為峒山鰲山西山、中常有雲氣覆冒二十里不絕名曰過雲其南曰雲南北曰雲北山隴行三十里有峰曰雲根石屋瀑布如懸河旁曰潺湲洞後漢劉綱為上虞令與妻樊雲翹隱居洞側後人立祠有榭曰樊榭梁孔祐居山中一鹿中箭來投祐為牧豢而愈遂建鹿亭三朶峰少南則芙蓉五峰相望其中峰有漢隸大書深刻曰四明山心其上為鵞心巖晉孫綽賦云涉海則有方丈蓬萊登陸則有四明天台蓋靈仙之所窟宅也

普陀山

普陀山亦名補陀洛伽山華言小白華山去定海縣約二百里山周圍百里孤懸海中相傳普門大士示現于此善財南詢處也寺舊名寶陀

聖祖仁皇帝賜名普濟寺東五里光熙峰下舊有海潮寺後名鎮海普臨別院也康

熙二十八年

御題天花法雨額改名法雨禪寺俗稱後寺去普濟東三里為潮音洞又法雨東一里為梵音洞：顯通穴洪濤衝激噌吰鐘磬如天樂梵音交作日光穿漏遠望石罅中有白衣化身時隱時現自開山以來無不瞻禮大士然大士無形誠動輒應佑國庇民實相感通外更有小洛伽山相望海中亦大士示現地

天台山

天台山高一萬八千丈周圍八百里四面如一山不下數十重總以天台名之山巔一峰中有戶闥名曰赤城石皆赭色形如雉堞右為玉京洞道書所云第六洞天東為國清寺隋智顛師道場山多精廬此其絕勝北為清溪西有桃源繡壁夾澗十里三折仙踪尚恍難窮其具西南最高峰曰華頂日山麓至峰頂凡八重登其巔大海錢江括蒼鴈蕩俱在目峻俯瞰羣峰或如蓮葉或如花鬚鬚芙蓉一朵浮動海上真異境也西行為瓊臺有復閣對峙臺當大壑之心空際石起浮嵐插天狀如削爪萬仞卓立森倚相向孫綽所謂復閣雲竦以界道瓊臺中天而垂居是也中為桐柏山上有崇道觀晉王子晉所治金庚洞天仙人葛翁居之其北為寒巖上有鶴橋屋石欲接一罅中斷飛泉噴薄猿鳥回蹤循鳥道東折迥絕處為石梁峭壁如劍削澗懸流兩崖支石滑不受趾又綽所謂跨空簷之懸磴臨萬丈之絕溟是也過此則應真五百所棲兜羅示現宮闈縹緲津逮者蓋自佳而返矣


馬蕩山

馬蕩一名馬湖高四十里頂上有湖方十里候雁來賓每宿于此故名山之界東至溫嶺西至白巖南至玉環山北至蒼坡山唐一行書天下山河為南北兩戒以南戒盡于雁蕩蓋謂巴蜀湖南之山趨金陵渡錢塘而結束于此也東西內外谷包藏一百一峰而剪刀天柱最勝剪刀峰高數百丈屹立澗水中神斤剝削兩股呀然而開天柱峰千仞壁立儼如端人正士執笏殿廷令人肅然起敬餘則隨形換形莫可名狀瀑布凡三處而大龍湫自馬湖合諸溪澗水從坳中直下疑天上銀潢望空傾瀉砰雷翻穀隨風雲飛颺沾澗數里里外高約五千餘尺小龍湫上龍湫俱遜之他如石梁之接地梯天常雲之晴空不散梅雨泉之一絲搖漾人喧則止人寂則飛皆奇幻之尤著者開山為諾詎羅尊者賦斤竹礪石門詩者為謝康樂以遊踪聞者為焦伯強沈存中王龜齡諸人後之遊東甌者可考焉



浙



記卷一



仁和杭大宗世駿輯



(尚書舜典)肇十有二州。(尚書禹貢)淮海惟揚州。(爾雅)江南曰揚州。(周禮職

方氏)東南曰揚州。(吳越春秋)夏禹周行天下歸還大越登茅山以朝四方。

(又)少康封庶子於越踣曰無餘。(史記吳世家)周武王克殷求太伯仲雍之後

得周章周章已君吳因而封之。(左傳)哀公元年吳王夫差敗越于夫椒遂入

越。(又)哀公二十二年越滅吳。(史記越世家)楚威王大敗越殺王無疆盡取

故吳地至浙江北。(資治通鑑)秦始皇帝二十四年王翦蒙武定楚以其地置

楚郡。(又)王翦志定荆江南地降百越之君置會稽郡。(史記貨殖傳注)秦置

鄣郡。(史記灌嬰傳)漢高祖六年灌嬰定會稽郡。(資治通鑑)六年以淮東五

十三城立從兄賈為荆王十二年立兄子濞為吳王更以荆為吳國。(又)孝惠

帝三年立閔君推為東海王都東甌。(史記吳王濞傳)景帝三年削吳會稽郡

徙汝南王非王吳故地為江都王。(通鑑綱目)建元三年閩越擊東甌遣使發兵救之遂徙其衆于江淮間六年立餘善為東越王元鼎六年遣將軍楊僕等將兵擊東越元封九年東越降徙其民江淮間。(漢書地理志注)元封二年鄣郡更名丹陽。(資治通鑑)元封五年置十三部皆置刺史。(嘉靖浙江通志)始元二年以閩越地置回浦治二縣屬會稽郡。(漢書地理志)錢唐西部都尉治回浦南部都尉治。(又)會稽郡縣二十六吳曲阿烏傷毗陵餘暨陽羨諸暨無錫山陰丹徒餘姚婁上虞海鹽剡由奉大末烏程句章餘杭鄞錢唐鄮富春治回浦丹陽郡縣十七宛陵於菟江乘春穀秣陵故鄣句容涇丹陽石城湖孰陵陽蕪湖黟溧陽歙宣城。(後漢書順帝紀)永建四年分會稽為吳郡。(後漢書郡國志)揚州刺史部郡國六丹陽郡十六城宛陵溧陽故鄣丹陽於潛涇歙黟陵陽蕪湖秣陵牛渚湖孰侯國句容江乘春穀石城會稽郡十四城山陰鄞烏傷諸暨餘暨大末上虞剡餘姚句章鄞章安永寧東部侯國吳郡十三城吳本國海鹽烏程餘姚毘陵丹徒曲阿由拳安富春陽羨邑無錫侯國婁。(三國吳志)建安十三年權以六縣為新都郡。(又)黃武五年分丹陽吳會三郡十縣置東安郡七年罷東安郡。(又)太平二年以會稽東部為臨海郡。(又)永安三年以會稽南部為建安郡。(又)寶鼎元年分會稽為東陽郡。(又)分吳丹陽為吳興郡。(晉書地理志)吳揚州統丹陽吳會稽吳興新都東陽臨海建安豫章鄞陽臨川安成廬陵南部十四郡。(又)改新都曰新安郡。(資治通鑑)永嘉四年琅邪王睿以周玘為吳興太守于其鄉里置義興郡以旌之。(通典)元帝渡江揚州為王畿領江東浙江地。(晉書地理志)太寧元年分臨海立永嘉郡。(資治通鑑)咸和二年徙瑯琊王昱為會稽王。(晉書地理志)吳郡統縣吳嘉興海鹽、官錢唐富陽桐廬建德壽昌海虞婁吳興郡統縣烏程臨安餘杭武康東遷於潛故鄣安吉原鄉長城會稽郡統縣山陰上虞餘姚句章鄞鄞始寧剡永興諸暨東陽郡統縣長山永康烏傷吳寧大末信安豐安定陽遂昌新安郡統縣始新遂安黟歙海寧黎陽臨海郡統縣章安臨海始豐寧海永嘉郡統縣永寧安固松陽橫陽義興郡統縣陽羨義鄉國山臨津平陵永世。(宋書武帝紀)

永初二年罷會稽郡府。(資治通鑑)元嘉三十年分浙東五郡為會州有揚州立司隸校尉。(宋書州郡志)孝建元年分揚州之會稽東陽新安永嘉臨海五郡為東揚州。(宋書孝武帝紀)大明三年以揚州所統六郡為王畿以東揚州隸揚州。(宋書州郡志)大明七年吳郡度屬南徐八年復舊。(宋書孝武帝紀)大明八年以王畿諸郡為揚州以揚州為東揚州。(宋書州郡志)永光元年省東揚州并揚州。(又)奉始四年義興屬南徐。(又)昇明三年改揚州刺史曰牧領郡十。(又)揚州刺史部會稽太守領縣十山陰永興上虞餘姚剡諸暨始寧句章鄞鄞吳郡太守領縣十二吳妻嘉興海虞海鹽三官錢唐富陽新城建德桐廬壽昌新昌吳興太守領縣十烏程東遷武康長城原鄉故鄣安吉餘杭臨安於潛東陽太守領縣九長山大末烏傷永康信安吳寧豐安定陽遂昌臨海太守領縣五章安臨海始豐寧海樂安永嘉太守領縣五永寧安固松陽樂成橫陽新安太守領縣五始新遂安歙海寧黟南徐州刺史部義興太守領縣五陽羨臨津義鄉固山緱安。(南齊書州郡志)永明二年義興郡割屬揚州後復舊。(又)揚州會稽郡山陰永興上虞餘姚諸暨剡鄞始寧句章鄞吳郡吳妻海虞嘉興海鹽錢唐富陽鹽官新城建德壽昌桐廬吳興郡烏程武康餘杭東遷長城於潛臨安故鄣安吉原鄉東陽郡長山大末烏傷永康信安吳寧豐安定陽遂昌新安郡始新黟遂安歙海寧臨海郡章安臨海寧海始豐樂安永嘉郡永寧安固松陽橫陽樂成南徐州義興郡陽羨臨津固山義鄉緱安。(隋書地理志)梁置信義郡。(梁書高祖紀)普通五年分揚州江州置東揚州。(通典)梁置金華郡。(資治通鑑)太清三年置吳州于吳郡。(梁書太宗紀)大寶元年省吳州如先為郡。(資治通鑑注)東陽郡梁置婺州。(資治通鑑)紹泰元年王僧辯以吳興為襄州。(梁書敬帝紀)太平元年罷襄州還復吳興郡罷東揚州還復會稽郡。(太平寰宇記)陳末定三年于東陽郡置縉州。(隋書地理志)梁立大梁郡又改為陳留。(陳書高祖紀)末定二年割吳郡鹽官海鹽前京三縣置洧寧郡屬揚州。(太平寰宇記)末定三年改信安縣為信安郡。(陳書文帝紀)天嘉三年東陽郡平。(陳書文帝紀)以會稽東陽臨安永嘉新安新寧晉安建

安八郡置東揚州。《陳書後主紀》貞明元年割揚州吳郡置吳州割錢唐縣為
郡屬焉。《隋書地理志》平陳改吳州曰蘇州東揚州曰吳州置總管府錢唐郡
廢置杭州永嘉郡開皇九年置處州廢信義吳興臨海郡廢陳留郡省大德故
鄣安吉原鄉入綾安縣金華郡廢置婺州。《又》處州十二年改曰括州。《又》仁
壽三年置睦州杭州置總管府置湖州。《又》蘇州大業初復曰吳州。《又》吳州
總管府大業初府廢置越州杭州總管府大業初府廢。《又》宣城郡統縣六宣
城汪南陵秋浦永世綾安吳郡統縣五吳常熟昆山烏程長城會稽郡統縣四
會稽句章剡諸暨餘杭郡統縣六錢唐富陽餘杭於潛鹽官武康東陽郡統縣
四金華永康烏傷信安永嘉郡統縣四括蒼永嘉松陽臨海遂安郡統縣三雉
山遂安桐廬。《唐書地理志》武德四年改吳郡置蘇州改餘杭郡置杭州于烏
程縣置湖州改遂安郡置睦州改會稽郡置越州改東陽郡置婺州于信安縣
置衢州于臨海縣置海州改永嘉郡置括州于武康縣置武州于綾安縣置綾
州又名雉州析改句章縣置鄞州以桐廬分水建德置嚴州于烏傷縣置縉州
于剡置嵊州于餘姚置姚州于永康置鹿州于龍邱置穀州于松陽置松州。
《舊唐書地理志》武德四年平李子通置越州總管府管越嵊姚鄞浙縉穀鹿
嚴婺十一州。《唐書地理志》武德五年以永嘉縣置東嘉州。《舊唐書地理志》
武德七年改越州總管為都督。越婺鄞嵊鹿五州。《唐書地理志》武德七年
以於潛縣置潛州睦州曰東睦州廢武雉姚縉四州八年廢潛嵊穀鹿嚴松鄞
七州東睦州復舊名。《舊唐書地理志》武德八年越州都督。越婺二州。《又》
貞觀元年廢嘉州。《資治通鑑》貞觀元年分天下為十道。《舊唐書地理志》上
元二年分括州之永嘉安固二縣置溫州。《又》垂拱二年分婺州之信安龍邱
置衢州。《通鑑綱目》開元十一年分天下為十五道。《舊唐書元宗紀》開元二
十六年分越州置明州。《舊唐書地理志》蘇州天寶元年改為吳郡湖州改為
吳興郡杭州改為餘杭郡改越州為會稽郡明州為餘姚郡台州為臨海郡改
婺州為東陽郡衢州為信安郡睦州為新定郡溫州為永嘉郡括州為緡雲郡
吳郡乾元二年改為蘇州吳興郡復為湖州餘杭郡復為杭州會稽郡復為越

州餘姚郡復為明州臨海郡復為台州東陽郡復為婺州信安郡復為衢州新
定郡復為睦州永嘉郡復為溫州縉州復為括州。唐書方鎮表至德二載
置江東防禦使治杭州乾元二年置浙江西道節度使領昇潤宣歙饒三州上
杭州十州治昇州尋徙治蘇州未幾罷領宣歙饒三州兼餘杭軍使治杭州二
年廢浙江西道節度使置觀察使更領丹陽軍使治蘇州復領宣歙饒三州上
元二年浙江西道觀察使徙治宣州罷領昇州杭州刺史領防禦使大曆元年
浙江西道觀察使置領宣歙二州十二年浙江西道觀察使罷領丹陽軍使十
四年合浙江東西道置觀察使建中元年分浙江東西道觀察使為二道二年
合浙江東西二道觀察置節度使治潤州尋賜歸鎮海軍貞元三年分浙江東
西為二道復置浙江西道觀察使領潤江常蘇杭湖睦七州治蘇州四年江州
隸江西觀察使元和二年陞浙江西道觀察使為鎮海軍節度使四年廢浙江
西道節度使復置觀察使領鎮海軍使六年浙西觀察罷領鎮海軍使大中十
二年復置鎮海軍節度使十三年廢鎮海軍節度使置觀察使咸通三年置鎮
海軍節度使八年罷鎮海軍十一年置鎮海軍節度使文德元年置忠國軍節
度使治湖州龍紀元年置杭州防禦使景福元年賜杭州防禦使歸武勝軍二
年陞武勝軍防禦使為蘇杭等州觀察使尋廢徙鎮海軍節度使治杭州。又
乾元二年置浙江東道節度使領越睦衢婺台明處溫八州治越州大曆五年
廢浙江東道節度置觀察使十四年廢浙江東道觀察使以所管州隸浙江西
道建中元年復置浙江東道觀察使二年廢浙江東道觀察使以所管州隸浙
江西道中和三年陞浙江東道觀察使為義勝軍節度使光啟三年改義勝軍
為威勝軍節度乾寧三年改威勝軍為鎮東節度。唐書地理志蘇州縣七吳
長洲嘉興崑山常熟海鹽華亭湖州縣五烏程武康長城安吉德清杭州縣八
錢塘監官餘杭富陽於潛臨安新城唐山睦州縣六建德清溪壽昌桐廬分水
遂安越州縣七會稽山陰諸暨餘姚剡上虞蕭山明州縣四鄞奉化慈溪象山
衢州縣四西安龍邱須江常山處州縣六鹿水松陽縉雲青田遂昌龍泉婺州
縣七金華義烏永康東陽蘭溪武成浦陽溫州縣四永嘉安固橫陽樂成台州

縣五臨海唐興黃巖樂安寧海。(五代史職方考)自浙東西十三州為吳越。
(十國春秋)吳越于嘉興置開元府割華亭海鹽二縣屬焉。(又)唐長興三年罷
開元府。(文獻通考)吳越王錢元瓘奏以蘇州之嘉興海鹽華亭置秀州。(十
國春秋)杭州鎮海軍越州鎮東軍湖州宣德軍婺州武勝軍明州奉國軍温州
靜海軍台州德化軍。(又)西府杭州領縣十一錢塘錢江監官餘杭富春桐廬
於潛安國新登橫山武康東府越州領縣八會稽山陰諸暨餘姚蕭山上虞
新昌湖州領縣四烏程德清安吉長興温州領縣四永嘉瑞安平陽樂清台州
領縣五臨海黃巖台興永安寧海明州領縣六鄞奉化慈溪象山望海翁山處
州領縣六鹿水龍泉蓬昌縉雲青田白龍衢州領縣四西安江山龍游常山婺
州領縣七金華東陽義烏蘭溪永康武義浦江睦州領縣五建德壽昌遂安分
水青溪秀州領縣四嘉興海鹽華亭崇德。(宋元通鑑)淳化四年始分天下郡
縣為十道。(玉海)至道三年始定為十五路天聖八年又增三路為十八路。
(宋史地理志)元豐三年析天下為二十三路。(元豐九域志)大都督府杭州餘
杭郎率海軍節度大都督府越州會稽郡鎮東軍節度上湖州吳興郡昭慶軍
節度上婺州東陽郡保寧軍節度上明州奉化郡奉國軍節度上温州永嘉郡
軍事上台州寧海郡軍事上處州縉雲郡軍事上衢州信安郡軍事上嚴州新
定郡軍事上秀州軍事。(宋史地理志)温州永嘉郡應道軍節度嚴州新定郡
遂安軍節度陞建德軍節度。(又)杭州大觀元年陞為帥府領浙江路兵馬鈐
轄越州陞為帥府領浙東路兵馬鈐轄秀州軍事政和七年賜郡名曰嘉禾。
(又)杭州建炎元年帶本路安撫使領杭湖嚴秀四州。(文獻通考)建炎三年高
宗自建康幸杭陞臨安府以為行在所兼浙西安撫使紹興元年越州陞為紹
興府置浙東安撫司。(宋史地理志)慶元府本明州紹興五年以寧宗潛邸陞
為府。(又)嘉興府本秀州慶元二年以孝宗所生之地陞為府嘉定元年陞嘉
興軍節度。(又)湖州寶慶元年改安吉州。(又)瑞安府本温州咸淳元年以度
宗潛邸陞府建德府本嚴州咸淳元年陞府。(又)兩浙路熙寧七年分為兩路
尋合為一九年復分十年復合府二年江鎮江州十二杭越婺湖溫台處衢嚴

秀縣七十九南渡後復分臨安平江鎮江嘉興四府安吉常嚴三州江陰一軍
為西路紹興慶元瑞安三府婺台衢處四州為東路。(又)臨安府縣九錢塘仁
和餘杭臨安富陽於潛新城益官昌化紹興府縣八會稽山陰嵊諸暨餘姚工
虞蕭山新昌安吉州縣六烏程歸安：吉長興德清武康婁州縣七金華義烏
永康武義浦江蘭溪東陽慶元府縣六鄞奉化慈溪定海象山昌國瑞安府縣
四永嘉平陽瑞安樂清台州縣五臨海黃巖寧海天台仙居處州縣六麗水松
陽遂昌縉雲青田南渡後增縣一慶元衢州縣五西安禮賢龍游信安開化建
德府縣六建德淳安桐廬分水遂安壽昌嘉興府縣四嘉興華亭海鹽崇德。

(元史地理志)臨安府至元十三年平江南立兩浙都督府又改為安撫司安吉
州陞湖州路建德府改安撫司慶元府改置宣慰司衢州改衢州路總管府婺
州改婺州路紹興府改紹興路瑞安府置温州路台州置安撫司處州立處州
路總管府。(至元嘉禾志)至元十三年改嘉興府為安撫司十四年改為嘉興
路總管府。(元史地理志)建德府至元十四年改建德路慶元府改為慶元路

總管府台州改台州路總管府。(又)秀州屬邑陞為華亭府十五年改松江府
仍置華亭縣以隸之。(又)安撫司十五年改為杭州路總管府。(又)立中書省
一行中書省十有一額北遼陽河南陝西四川甘肅雲南江浙江西湖廣征東
江浙等處行中書省江南浙西道肅政廉訪司杭州路總管府八錢塘仁和餘杭
臨安新城富陽於潛昌化州一海寧湖州路總管府五烏程歸安：吉德清武康
州一長興嘉興路總管府一嘉興州二海鹽崇德建德路總管府六建德淳安遂安
桐廬分水壽昌浙東道宣慰司都元帥府慶元路總管府四鄞縣象山慈溪定海
州二奉化昌國衢州路總管府五西安龍游江山常山開化浙東海右道肅政廉
訪司婺州路總管府六金華東陽義烏永康武義浦江州一蘭溪紹興路總管府六
山陰會稽上虞蕭山嵊新昌州二餘姚諸暨温州路總管府二永嘉樂清州二瑞
安平陽台州路總管府四臨海仙居寧海天台州一黃巖處州路總管府七麗水龍
泉松陽遂昌青田縉雲慶元。(歲時志)至正十八年明改建德路為建安府。
(明從信錄)至正十八年改婺州路為寧越府。(明大政記)至正十九年衢州改

為龍游府。○(又)至正十九年處州改為安南府。○(又)至正二十年改寧越府為金華府。○(嚴陵志)至正二十五年改建安府為嚴州府。○(成化湖州府志)丙午年定為湖州府。○(萬曆杭州府志)改杭州路為府。○(明從信錄)至正二十六年開浙江等處行中書省于杭州。○(弘治嘉興府志)丁未年改嘉興路為嘉興府。○(赤城新志)改台州路為台州府。○(明大政記)至正二十七年改慶元路為明州府。○(萬曆温州府志)洪武元年改温州路為温州府。○(萬曆紹興府志)洪武二年紹興路復為紹興府。○(名山藏)洪武九年改行中書為承宣布政使司。

(明大政記)洪武十四年改明州府為寧波府。○(明實錄)洪武十五年以直隸嘉興湖州二府隸浙江。○(廣輿記)明分天下為兩京十三省北直隸南直隸山西山東河南陝西浙江二西湖廣福建四川廣東廣西雲南貴州。○(續文獻通考)浙江等處承宣布政使司杭州府領仁和錢塘於潛海寧昌化富陽餘杭臨安新城九縣湖州府領烏程歸安二吉孝豐德清武康長興州一縣六嘉興府領嘉興秀水嘉善海鹽平湖桐鄉崇德七縣寧波府領鄞縣慈谿奉化定海象山五縣衢州府領西安龍游江山常山開化五縣金華府領金華蘭谿東陽義烏永康武義浦江湯溪八縣紹興府領山陰會稽蕭山諸暨餘姚上虞嵊縣新昌八縣温州府領永嘉樂清平陽瑞安泰順五縣台州府領臨海黃巖天台仙居寧海太平六縣嚴州府領建德淳安桐廬遂安壽昌分水六縣處州府領麗水青田縉雲松陽遂昌龍泉慶元雲和宣平景寧十縣

皇清定天下為兩京十四省直隸盛京江南浙江二西湖廣福建山東山西河南陝西四川廣東廣西雲南貴州置浙江等處承宣布政使司統轄各府州縣凡隸布政司者府一十一州一縣七十六

杭州府

(通典)春秋越國之西境。○(輿地廣記)戰國屬楚。○(咸淳臨安志)秦始皇二十五年置縣杭城屬會稽郡縣曰錢唐餘杭富春海鹽。○(史記秦始皇本紀)三十七年過丹陽至錢唐臨浙江。○(咸淳臨安志)漢高帝六年抗屬荆國十二年屬吳國景帝三年復屬會稽郡。○(通典)順帝以後屬吳郡。○(太平寰宇記)建安十六年

杭州

州西地春秋時吳越諸居閩閩與越爭橋亭至句踐保于句稽而浙江以西地屬吳後句稽以西地仍屬越唐詩到江吳越隔岸起以多亦就一特言之耳

分餘杭立臨水縣。清類天文分野之書。吳大帝置監官縣。太平寰宇記。黃武五年析富春置新城縣。三國吳志注。寶鼎元年餘杭臨水於潛分為吳興郡。通典。杭州昔屬吳興吳二郡地。宋齊梁因之。文獻通考。杭州陳以為錢唐郡。清類天文分野之書。於潛屬錢唐郡。隋書地理志。平陳廢郡併所領新城入錢唐。太平寰宇記。開皇九年以吳郡之監官吳興之餘杭合四縣置杭州。在餘杭縣。隋書地理志。仁壽中置杭州總管府。大業初府廢置餘杭郡。又餘杭郡統縣六。錢唐富陽餘杭於潛監官武康。太平寰宇記。唐武德四年平李子通置杭州領錢塘餘杭富陽三縣。六年復沒于輔公祏。七年復置杭州。又置潛州領於潛臨水二縣。八年省潛州及臨水縣以於潛縣來屬。唐書地理志。監官武德七年省入錢塘新城省入富陽。文獻通考。杭州唐屬江南道。舊唐書地理志。監官貞觀四年復分錢塘置新城。永淳元年分富陽置紫溪垂拱二年分於潛置臨安。二年分餘杭於潛置紫溪。萬歲通天元年改為武隆。具年依舊。通志地理志。開元十道圖。杭州江南東道。舊唐書地理志。天寶元年改餘杭郡乾元二年復為杭州。唐書方鎮表。至德二載置江東防禦使治杭州。又景福元年杭州孫武勝軍。光化初鎮海軍節度治錢塘。唐書地理志。杭州餘杭郡上縣八。錢塘監官餘杭富陽於潛臨安新城唐山。十國春秋。光化二年唐勅陞杭州為大都督府。五代史梁太祖紀。開平二年改臨安縣為安國縣。十國春秋。梁勅改唐山縣為吳昌縣。真地唐記。改新城縣曰新登。吳越改富陽曰富春。置錢江縣。咸淳臨安志。後周同光初改金昌縣復為唐山。冊府元龜。晉天福七年改唐山縣為橫山縣。十國春秋。西府杭州領縣十一。錢塘錢江監官餘杭富春桐廬於潛安國新登橫山武康。文獻通考。宋淳化五年改寧海軍節度。宋史地理志。大觀元年陞為帥府領兩浙西路兵馬鈐轄。又兩浙路杭州。此至道天聖間所分之路。宋史高宗紀。建炎三年陞杭州為臨安府。文獻通考。杭州屬浙西路。此元豐間分路所屬。宋史地理志。臨安大都督府杭州餘杭郡縣九。錢塘仁和餘杭臨安富陽於潛新城監官昌化。元史世祖紀。至元十三年二月以臨安為兩浙大都督府。六月罷兩浙大都督府立行

中書省于臨安設安撫使。(元史地理志)至元十五年改杭州路總管府二十一年遷江淮行省治于杭。(元史世祖紀)至元二十八年改江淮行省為江浙等處行中書省治杭州。(續文獻通考)置江南浙西道肅政廉訪司于杭州統杭州等路。(元書地理志)元貞元年陞鹽官縣為州天曆二年更曰海寧。(元史地理志)杭州路上領縣八錢塘仁和餘杭臨安新城富陽於潛昌化州一海寧。(明實錄)太祖罷浙東行省開浙江等處行中書省于杭州。(元史)明改杭州府。(舊浙江通志)洪武二年改海寧州為縣。(明一統志)置浙江等處承宣布政使司領杭州府。(續文獻通考)杭州府領仁和錢塘於潛海寧昌化富陽餘杭臨安新城九縣

國朝定為杭州府屬浙江布政使司領縣九錢塘仁和海寧富陽餘杭臨安於潛新城昌化

錢塘縣

(太平寰宇記)秦舊縣隸會稽郡。(漢書地理志)會稽郡縣錢唐。(注)西部。都尉治。(三國吳志)吳郡都尉治錢唐。

水漢朱高封錢唐侯注引錢唐記云郡議書華信作塘以得海潮名入致土石一斛與錢一千道名曰錢塘元和郡縣志太平寰宇記同咸寧縣志云秦置會稽郡時始加土後遂因之諸說以咸寧志為據

(志)吳郡都尉治錢唐。(晉書地理志)吳郡統縣錢唐。(宋書州郡志)吳郡太守領錢唐。(南齊書州郡志)吳郡錢唐。(隋書地理志)舊置錢唐郡平陳廢郡。(又)餘杭郡統縣錢唐。(唐書地理志)杭州餘杭郡錢唐。(唐書地理志)臨安大都督府杭州餘杭郡錢唐。(宋史地理志)臨安大都督府杭州餘杭郡錢唐。(元史地理志)杭州路領縣錢唐。(舊浙江通志)明錢塘縣屬杭州府。

國朝錢塘縣附郭屬杭州府編戶一百三十五里

仁和縣

(太平寰宇記)錢塘鹽官之地。(十國春秋)吳越割錢塘鹽官各半置錢江縣割富春二鄉入錢江。(元豐九域志)宋太平興國四年改錢江縣為仁和縣。(宋史地理志)臨安大都督府杭州餘杭郡仁和。(元史地理志)杭州路領縣仁和。

(舊浙江通志)明仁和縣屬杭州府

國朝仁和縣附郭屬杭州府編戶二百四十八里

海寧縣

按吳越王錢鏐分錢塘鹽官及富春之長壽寺鄉置錢江縣太平寰宇記云唐開元二年析置于州郭新舊唐書有載之州府元龜之晉書中神與名有與尚社何者志改之說陽春與地唐記云遷高祖名改錢塘曰錢江後別置錢塘治曰不詳別置分治于何年咸寧志云長壽寺古三鄉今為錢塘亦非仁和境

(漢書地理志注)海鹽縣故武原鄉有鹽官。(宋書州郡志)吳立為海昌都尉。(嘉興府志)吳析海鹽置鹽官縣屬吳郡。(晉書地理志)吳郡統縣鹽官。(宋書州郡志)吳郡太守領鹽官。(清類天文分野之書)陳末定二年置海亭郡鹽官屬焉。(隋書地理志)餘杭郡統縣鹽官。(唐書地理志)武德四年隸東武州。(元和郡縣志)武德七年省入錢塘縣貞觀四年復置。(唐書地理志)杭州餘杭郡鹽官。(十國春秋)吳越西府杭州領縣鹽官。(宋史地理志)臨安大都督府杭州餘杭郡鹽官。(續文獻通考)元以戶口繁多理為鹽官州天曆二年改海亭州。(元史地理志)杭州路領海亭州。(舊浙江通志)明改州為海亭縣屬杭州府

國朝海亭縣屬杭州府編戶三百有二里

富陽縣

(咸淳臨安志)秦始皇置富春縣隸會稽郡。(漢書地理志)會稽郡縣富春。(後漢書郡國志)吳郡城富春。(三國吳志)黃武五年置東安郡。(又)黃武七年罷東

安郡。(元和郡縣志)晉孝武帝改春為陽晉簡文鄭太后名春孝武改曰富陽。(晉書地理志)吳

郡統縣富陽。(宋書州郡志)吳郡太守領富陽。(南齊書州郡志)吳郡富陽。

(隋書地理志)餘杭郡統縣富陽。(唐書地理志)杭州餘杭郡富陽。(十國春秋)

奏改西府富陽縣為富春縣。(又)吳越西府杭州領縣富春。(宋史地理志)臨

安大都督府杭州餘杭郡富陽富春仍名富陽在太平興國三年。(元史地理志)杭州路領縣

富陽。(舊浙江通志)明富陽縣屬杭州府

國朝富陽縣屬杭州府編戶七十二里

餘杭縣

(後漢書郡國志注)秦始皇至會稽經餘杭立為縣。(漢書地理志)會稽郡餘杭。

(資治通鑑注)吳分屬吳興郡。(晉書地理志)吳興郡統縣餘杭。(宋書州郡志)

吳興太守領餘杭。(南齊書州郡志)吳興郡餘杭。(隋書地理志)餘杭郡統縣

餘杭。(舊唐書地理志)隋置杭州後徙治錢塘。(唐書地理志)杭州餘杭郡餘

杭。(十國春秋)吳越西府杭州領縣餘杭。(宋史地理志)臨安大都督府杭州

餘杭郡餘杭。元史地理志杭州路領縣餘杭。舊浙江通志明餘杭縣屬杭州府。

國朝餘杭縣屬杭州府編戶七十三里

臨安縣

三國吳志賀齊傳漢建安十六年賀齊表言分餘杭為臨水縣。宋書州郡志臨

安吳臨水縣晉武帝太康元年更名。晉書地理志吳興郡統縣臨安。宋書

州郡志吳興太守領臨安。咸淳臨安志唐武

德七年置臨水縣。舊唐書地理志武德七年潯州領臨水縣。縣者入於潯縣

。元和郡縣志垂拱四年巡撫使狄仁傑奏復置臨水縣。唐書地理志杭州

餘杭郡臨安。臨水之改臨安。五代史梁太祖紀梁開平二年改臨安縣為安

國縣。十國春秋吳越西府杭州領縣安國。元豐九域志宋太平興國三年

改安國縣復為臨安。宋史地理志太平興國四年改順化軍縣復舊名五年

軍廢。又臨安大都督府杭州餘杭郡臨安。元史地理志杭州路領縣臨安

。舊浙江通志明臨安縣屬杭州府

國朝臨安縣屬杭州府編戶三十二里

於潛縣

漢書地理志丹陽郡於潛。晉書地理志吳興郡統縣於潛。宋書州郡志吳興

太守領於潛。方輿紀要陳屬錢唐郡。隋書地理志餘杭郡統縣於潛。舊

唐書地理志武德七年置潯州領於潛縣八年廢潯州於潛還杭州。唐書地

理志杭州餘杭郡於潛。十國春秋吳越西府杭州領縣於潛。宋史地理志

臨安大都督府杭州餘杭郡於潛。元史地理志杭州路領縣於潛。舊浙江

通志明於潛縣屬杭州府

國朝於潛縣屬杭州府編戶一十二里

新城縣

元和郡縣志漢富陽縣地。咸淳臨安志吳黃武七年置新城縣尋者併桐廬。

宋書州郡志晉咸和九年又立。又吳郡太守領新城。南齊書州郡志吳郡

宋志太康元年更名臨水縣為臨安唐志武德七年又置臨水縣中間必有併省歲月

縣不知始於何時地理志潛字本作潛東漢郡國志也加水作潛諸史皆同惟隋書地理志作於潛

新城。方輿紀要隋省入錢唐。淳祐臨安志大業十四年置。唐書地理志武德七年省入富陽。太平寰宇記永淳元年分富陽之地又置新城縣。唐書地理志杭州餘杭郡新城。十國春秋梁改新城縣曰新登。又吳越西府杭州領縣新登。宋史地理志太平興國五年復名新城。元豐九成志淳化五年以南新場為昭德縣六年改昭德縣為南新縣五年省南新縣為鎮入新城。宋史地理志臨安大都督府杭州餘杭郡新城。元史地理志杭州路領縣新城。舊浙江通志明新城縣屬杭州府

國朝新城縣屬杭州府編戶一十五里

昌化縣

元和郡縣志漢於潛縣地。唐書地理志垂拱二年析於潛置紫溪縣萬歲通天元年曰武隆其年復為紫溪又析紫溪別置武隆縣聖曆三年省武隆入紫溪長安四年復置神龍元年更武隆為唐山大曆三年省長慶初復置唐山。又杭州餘杭郡唐山。吳越傳史梁改唐山為吳昌輿地廣記作金昌縣。十國春秋後

唐復改為唐山晉天福七年勅改曰橫山。又吳越西府杭州領縣橫山晉又改為。太平寰宇記宋太平興國三年改為昌化縣。宋史地理志臨安大都督府杭州餘杭郡昌化。元史地理志杭州路領縣昌化。舊浙江通志明昌化縣屬杭州府

國朝昌化縣屬杭州府編戶一十里

嘉興府

水經注韋昭曰越北鄙在嘉興。方輿紀要嘉興府戰國時又為楚地。清類天文分野之書秦分楚地為會稽郡改長水為由拳縣。漢書地理志漢會稽郡海鹽由拳。至元嘉禾志東漢屬吳郡。續漢志吳大帝黃龍四年嘉禾生于由拳改縣曰禾興後以太子名和改曰嘉興。輿地廣記晉末屬吳郡。北治嘉興府志梁天監六年以海鹽縣屬信義郡太清三年析海鹽置前京縣與海鹽嘉興俱屬吳州。至元嘉禾志陳武帝割海鹽屬鹽官。清類天文分野之書隋罷嘉興縣以其地屬蘇州。舊唐書地理志武德七年分置嘉興縣八年

廢嘉興入吳縣。(唐書地理志)嘉興貞觀八年復置海鹽景雲二年復置。(弘治嘉興府志)天寶元年割嘉興之東境海鹽之北境崑山之南境置華亭縣。(又)乾元二年隸浙江西道節度使永泰元年隸浙江西道觀察使大曆十四年改隸浙江都團練觀察使。(唐書地理志)蘇州吳郡上縣嘉興海鹽華亭。(十國春秋注)梁初嘉興縣改屬杭州。(十國春秋)吳越武肅王于嘉興置開元府劉華亭海鹽二縣屬焉。(又)唐長興三年罷開元府。(又)晉天福三年吳越析嘉興為崇德縣。(又)晉天福五年吳越奏嘉興縣置秀州以嘉興海鹽華亭崇德隸焉。(又)吳越秀州領嘉興海鹽華亭崇德。(宋史地理志)兩浙路秀州。(又)政和七年賜郡名曰嘉禾。(宋史寧宗紀)慶元三年升秀州為嘉興府。(文獻通考)秀州屬浙西路。(宋史寧宗紀)嘉定元年升嘉興府為嘉興軍。(宋史地理志)嘉興府本秀州軍事縣四嘉興華亭海鹽崇德。(至元嘉禾志)元至元十三年改嘉興府安撫司十四年改為嘉興路總管府。(元史地理志)江浙等處行中書省為路嘉興。(又)江南浙西道肅政廉訪司嘉興路。(元史世祖紀)至元十五年改革亭縣為松江府。(元史地理志)元貞元年升海鹽崇德為州。(又)嘉興路上領縣一嘉興州二海鹽崇德。(玉史)明復為嘉興府。(續文獻通考)洪武二年海鹽崇德復為縣。(明一統志)浙江等處承宣布政使司領嘉興府。(史槩)宣德五年增置嘉興府秀水嘉善桐鄉平湖四縣。(續文獻通考)嘉興府領嘉興秀水嘉善海鹽平湖桐鄉崇德七縣

嘉興縣

國朝定為嘉興府屬浙江布政使司領縣七嘉興秀水嘉善海鹽崇德平湖桐鄉康熙元年改崇德為石門縣

嘉興縣

(輿地廣記)故馮李地吳之南境。(元和郡縣志)春秋時長水縣秦為由拳縣。(漢書地理志)會稽郡縣由拳。(後漢書郡國志)吳郡城由拳。(宋書州郡志)孫權黃龍四年由拳縣生嘉禾改曰禾興。(三國吳志)赤烏五年立子和為太子改禾興為嘉興縣。(晉書地理志)吳郡統縣嘉興。(宋書州郡志)吳郡太守領嘉興。(南齊書州郡志)吳郡嘉興。(弘治嘉興府志)梁太清三年嘉興隸吳州陳

宋定二年嘉興仍屬吳郡。(清類天文分野之書)隋罷縣以其地屬蘇州。(唐書地理志)武德七年置嘉興八年省入吳貞觀八年復置。(弘治嘉興府志)天寶元年割嘉興之東境入華亭。(唐書地理志)蘇州吳郡嘉興。(輿地廣記)五代屬杭州。(五代會要)兩浙錢元璿奏以杭州嘉興縣置秀州。(十國春秋)吳越秀州領縣嘉興。(宋史地理志)嘉興府嘉興。(元史地理志)嘉興路領縣嘉興。(舊浙江通志)明嘉興縣屬嘉興府

國朝嘉興縣屬嘉興府附郭編戶二百八十八里

秀水縣

(廣輿記)吳嘉興地。(續文獻通考)宣德四年析嘉興縣置秀水縣。(舊浙江通志)明秀水縣屬嘉興府

國朝秀水縣屬嘉興府附郭編戶二百里

嘉善縣

(廣輿記)古魏塘鎮。(續文獻通考)宣德五年析嘉興縣置嘉善縣。(舊浙江通志)

明嘉善縣屬嘉興府

國朝嘉善縣屬嘉興府編戶二百里

海鹽縣

(越絕書)海鹽縣始為武原鄉。(資治通鑑注)秦為海鹽縣。(至元嘉禾志)秦屬會稽郡。(漢書地理志)會稽郡縣海鹽。(後漢書郡國志)吳郡城海鹽。(至元嘉禾志)順帝時移治故邑山為故邑縣晉咸康元年復為海鹽縣。(晉書地理志)吳郡統縣海鹽。(宋書州郡志)吳郡太守領海鹽。(南齊書州郡志)吳郡海鹽。(方輿紀要)梁屬信義郡。(清類天文分野之書)陳省入鹽官縣。(至元嘉禾志)唐武德七年復屬蘇州貞觀元年省入嘉興。(舊唐書地理志)景雲二年分嘉興縣復置先天元年廢開元五年復置治吳禦城。(唐書地理志)蘇州吳郡海鹽。(至元嘉禾志)晉天福五年置秀州縣屬焉。(十國春秋)吳越秀州領海鹽。(宋史地理志)嘉興府海鹽。(元史地理志)元貞元年升海屬州。(又)嘉興路領海鹽州。(海鹽縣圖經)明初右丞華雲龍以州籍獻洪武二年仍為海鹽

縣而縣等居上如宋云。(舊浙江通志)明海鹽縣屬嘉興府

石門縣

(元豐九域志)崇德古越地。(國語)越王句踐至于軍徒舍至于櫟兒。(至元嘉禾志)句踐傳六世為楚威王所併地入楚秦郡縣天下置會稽郡櫟兒為由拳縣之西鄙介于錢唐烏程之間。(弘治嘉興府志)更六朝櫟兒皆為嘉興之西鄙歷唐如故。(十國春秋)晉天福三年廣陵王元璿鎮中吳請析嘉興之崇德等九鄉為縣治義和鎮遂以鄉名縣。(又)吳越秀州鎮縣崇德。(至元嘉禾志)宋熙寧十年又割嘉興縣栢桐永新清風千金保寧五鄉以益之。(宋史地理志)嘉興府崇德。(元史地理志)元貞元年升崇德州。(又)嘉興路領崇德州。(弘治嘉興府志)洪武二年復崇德為縣。(舊浙江通志)明崇德縣屬嘉興府國朝宗朝德縣屬嘉興府編戶一百六十四里康熙元年因與太宗文皇帝年旆桐同改名石門以縣有石門鎮故也

平湖縣

(廣輿記)古當湖市。(後漢書郡國志注)海鹽縣之故治順帝時陷而為湖今謂之當湖。(續文獻通考)宣德五年析海鹽縣置平湖縣。(舊浙江通志)明平湖縣屬嘉興府

國朝平湖縣屬嘉興府編戶一百十四里

桐鄉縣

(明一統志)本崇德縣地。(續文獻通考)宣德五年割崇德栢桐六鄉置為縣。(舊浙江通志)明桐鄉縣屬嘉興府
國朝桐鄉縣屬嘉興府編戶一百里

湖州府

(史記孔子世家)汪罔氏之君守封禺之山汪罔即防風國。(通典)春秋屬吳、滅屬越、滅屬楚。(太平寰宇記)秦屬會稽郡亦鄣郡之境。(漢書地理志)會稽郡縣烏程丹陽郡城故鄣。(後漢書郡國志)吳郡城烏程丹陽郡城故鄣。(宋書州郡

志原鄉中立二年分故鄣立安吉分故鄣立永安吳分烏程餘杭立。○(三國吳志)吳分吳郡丹陽九縣為吳興郡治烏程。○(清類天文分野之書)晉太康三年分烏程西鄉為長城東鄉為東遷又改永安為武康。○(晉書地理志)永興元年割吳興之陽羨并長城縣之北鄉置陽羨四縣又分丹陽之永世置平陵及永世凡六縣立義興郡。○(又)吳興郡統縣十烏程臨安餘杭武康東遷於潛故鄣安吉原鄉長城。○(宋書州郡志)永初三年分宣城之廣德吳興之故鄣長城及陽羨義鄉五縣立綏安縣為義興太守。○(又)吳興太守領縣十烏程東遷武康長城原鄉故鄣安吉餘杭臨安於潛。○(元和郡縣志)梁紹泰初改吳興郡為震州。○(梁書敬帝紀)太平元年罷震州復為吳興郡。○(隋書地理志)烏程舊置吳興郡平陳郡廢并東遷縣入焉。○(又)長城武康平陳廢。○(又)綏安省故鄣安吉原鄉入焉。○(又)仁壽中置湖州。○(又)仁壽二年復長城武康。○(輿地廣記)大業初湖州省屬餘杭吳二郡。○(舊唐書地理志)武德四年平李子通置湖州領烏程一縣六年復沒于輔公祏七年復置仍廢武州以武康來屬又省雒州以長城縣來屬安吉廢入長城。○(文獻通考)湖州唐屬江南道。○(舊唐書地理志)安吉麟德元年復分長城縣置。○(唐書地理志)德清本武源天授二年析武康置景雲二年曰臨溪天寶元年更名。○(通志地理略)開元十道圖湖州江南東道。○(舊唐書地理志)天寶元年改為吳興郡乾元二年復為湖州。○(唐書方鎮表)文德元年置忠國軍節度使。○(唐書地理志)湖州吳興郡上縣五烏程武康長城安吉德清。○(順存錄)梁開平元年割武康隸杭州。○(十國春秋)長城縣吳越改長興。○(又)顯德六年升湖州為宣德軍。○(又)吳越湖州領縣四烏程德清安吉長興。○(元豐九域志)宋太平興國三年武康復隸湖州。○(文獻通考)太平興國六年析烏程置歸安縣。○(宋史地理志)兩浙路湖州。○(又)景祐元年升昭慶軍節度。○(又)寶慶元年改安吉州。○(文獻通考)湖州屬西路。○(宋史地理志)湖州上吳興郡縣六烏程歸安。○(又)長興德清武康。○(元史地理志)至元十三年升湖州路。○(又)江浙等處行中書省為路湖州。○(又)元貞元年升長興縣為州。○(又)湖州路上領縣五烏程歸安。○(又)德清武康州一長興。○(又)明改湖州

府改長興。明一統志浙江等處承宣布政使司領湖州府。名山藏成化正德二十三年置孝豐縣。史際正德元年改浙江安吉縣為州。續文獻通考湖州府領安吉一州烏程歸安德清武康長興孝豐六縣

烏程縣

趙絕書烏程故大越徙民秦始皇刻石徙之。清類天文分野之書秦屬會稽郡。漢書地理志會稽郡縣烏程。後漢書郡國志會稽郡縣烏程。輿地廣記吳于烏程置吳興郡。宋書州郡志東遷晉太康三年分烏程立元徽四年更名東安昇明元年復舊。晉書地理志吳興郡統縣烏程東遷。宋書州郡志吳興太守領烏程東遷。南齊書州郡志吳興郡烏程東遷。方輿紀要隋平陳東遷廢入烏程屬蘇州。清類天文分野之書仁壽二年烏程復屬湖州。資治通鑑注大業初以縣屬吳郡。隋書地理志吳郡統縣烏程。舊唐書地理志武德四年置湖州治烏程領烏程一縣六年沒于輔公祏七年復置。唐

書地理志湖州吳興郡烏程。十國春秋吳越湖州領縣烏程。萬曆湖州府志宋寶慶元年改湖州為安吉州領縣如故。宋史地理志湖州吳興郡烏程。元史地理志湖州路領縣烏程。舊浙江通志明烏程縣屬湖州府

歸安縣

輿地廣記本烏程縣地。宋史地理志太平興國七年析烏程地置縣。又湖州吳興郡歸安。元史地理志湖州路領縣歸安。舊浙江通志明歸安縣屬湖州府

長興縣

國朝歸安縣屬湖州府附郭編戶三百九里
元和郡縣志吳王闔閭使弟夫槩居此築城狹而長因以為名。明一統志秦以為鄣郡地漢為烏程故鄣縣地。三國志注丹陽故鄣分隸吳興郡。資治通鑑注晉太康三年分烏程立長興縣屬吳興郡。又宋興元年分吳興之長城

立義鄉縣屬義興郡。《晉書地理志》吳興郡統縣長城。《宋書州郡志》吳興太守領長城。《南齊書州郡志》吳興郡長城。《隋書地理志》平陳縣廢仁壽二年復。《又》吳郡統縣長城。《舊唐書地理志》武德四年置雒州領長城原鄉二縣七年州廢及原鄉併入長城屬湖州。《唐書地理志》湖州吳興郡長城。《十國春秋》吳越長城縣改長興避梁諱也。《又》吳越湖州領縣長興。《宋史地理志》湖州吳興郡長興。《元史地理志》元貞元年升為州。《又》湖州路領州一長興。《續文獻通考》明初改名長安尋復舊洪武二年改為縣。《舊浙江通志》明長興縣屬湖州府。

國朝長興縣屬湖州府編戶二百三十二里

德清縣

《路史》烏程有餘不鄉。《元和郡縣志》天授二年析武康鄉置武原縣景雲二年改為臨溪縣以臨餘不溪也天寶元年改為德清縣。《唐書地理志》湖州吳興郡德清。《十國春秋》吳越湖州領縣德清。《宋史地理志》湖州吳興郡德清。《元

史地理志》湖州路領縣德清。《舊浙江通志》明德清縣屬湖州府

國朝德清縣屬湖州府編戶三百一十二里

武康縣

《太平寰宇記》古防風氏國。《元和郡縣志》本漢烏程餘不鄉之地。《方輿紀要》後漢初平中孫氏析置永安縣。《資治通鑑注》晉改為永康。《史記孔子世家注》晉太康元年改永康為武康。《晉書地理志》吳興郡統縣武康。《宋書州郡志》吳興太守領武康。《南齊書州郡志》吳興郡武康。《隋書地理志》平陳縣廢仁壽二年復。《又》餘杭郡統縣武康。《唐書地理志》李子通置安州又曰武州武德四年平李子通因之七年州廢隸湖州。《又》湖州吳興郡武康。《十國春秋》西府杭州領縣武康。《宋史地理志》太平興國三年武康自杭州來隸。《又》湖州吳興郡武康。《元史地理志》湖州路領縣武康。《舊浙江通志》明武康縣屬

湖州府

國朝武康縣屬湖州府編戶六十二里

安吉州

(元和郡縣志)本漢故鄞縣地。(後漢書郡國志注)故鄞中平年分縣南置安吉縣。
○(又)故鄞中平二年又分立原鄉縣。(晉書地理志)吳興郡統縣故鄞安吉原鄉。
(宋書州郡志)吳興太守領原鄉故鄞安吉。(南齊書州郡志)吳興郡故鄞安吉原鄉。
(隋書地理志)絳安平陳省故鄞安吉原鄉入焉。(唐書地理志)安吉義寧二年沈法興置武德四年因之以縣隸桃州七年省入長城麟德元年復置。
(又)湖州吳興郡安吉。(十國春秋)吳越湖州領縣安吉。(宋史地理志)湖州吳興郡安吉。
(元史地理志)湖州路領縣安吉。(嘉靖安吉州志)至正十六年明取安吉以隸長興州吳元年復以安吉隸湖州。(續文獻通考)正德元年并安吉縣為州領縣一孝豐

國朝安吉州屬湖州府編戶六十四里

孝豐縣

(續文獻通考)本安吉縣地。(嘉靖浙江通志)弘治元年析安吉置孝豐縣。(明一

統志)安吉陞州因屬焉。(舊浙江通志)明孝豐縣屬湖州府

國朝孝豐縣屬湖州府編戶五十四里

寧波府

(清類天文分野之書)秦以地置鄞縣屬會稽郡。(宋書州郡志)漢會稽東部都尉治鄞。
(漢書地理志)會稽郡句章鄞縣。(隋書地理志)句章平陳併餘姚鄞縣三縣入。
(唐書地理志)武德四年析故句章縣置鄞州八年州廢更置鄞縣隸越州。
(舊唐書地理志)象山神龍二年分寧海及越州鄞縣置屬台州。(唐書地理志)開元二十六年以越州之鄞縣置明州。
(通志地理卷)開元十道圖明州江南東道。
(舊唐書地理志)奉化慈溪翁山已上皆鄞縣地開元二十六年析置。
(又)天寶元年改為餘姚郡乾元二年復為明州天寶領縣四鄞奉化慈溪翁山。
(唐書地理志)象山廣德二年來屬。
(又)翁山大曆六年省。(嘉靖寧波府志)元和四年置望海鎮于甬江之海口。
(唐會要)長慶元年移明州置于鄞縣。
(唐書地理志)明州餘姚郡上縣四鄞奉化慈溪象山。
(輿地廣記)梁開

平三年升明州為望海軍節度。一作望海縣又改定海縣

○又吳越改鄞曰鄞。又吳越明州領縣六鄞奉化慈溪象山望海翁山不知

何年。復置。宋史地理志建隆元年升奉國軍節度。又昌國熙寧六年析鄞縣地

置。○元豐九域志上明州奉化郡奉國軍節度。宋史地理志兩浙路明州。

○又紹興初置沿海制置使八年以浙東安撫使兼制司十一年罷隆興元年復

置。○續通鑑紹興五年升明州為慶元府。○文獻通考明州屬浙東路。○宋

史地理志慶元府縣六鄞奉化慈溪定海象山昌國。○元史地理志至元十三年

改置宣慰司十四年改為慶元路總管府升昌國縣為州。○又江浙等處行中

書省為路慶元。○又元貞元年升奉化縣為州。○續文獻通考大德六年移浙

東道宣慰司都元帥府治慶元。○元史地理志慶元路上領縣四鄞象山慈溪

定海州二奉化昌國。○五史明改明州府。○嘉靖浙江通志洪武二年昌國奉

化復為縣。○續文獻通考洪武十四年改明州府為寧波府。○明一統志浙江

承宣布政使司領寧波府。○明實錄洪武二十年廢寧波府昌國縣。○續文獻

通考寧波府領鄞慈谿奉化定海象山五縣

國朝定為寧波府屬浙江布政使司領縣五鄞縣慈谿奉化定海象山康熙二十五

年題請舟山設立縣治名定海縣而以舊定海為鎮海縣

鄞縣

○清類天文分野之書漢句章縣地東漢曰鄞。○漢書地理志會稽郡鄞縣

。○晉書地理志會稽郡統縣鄞。○宋書州郡志會稽太守領縣鄞。○方輿紀要

隋平陳省縣入句章。○又唐復置鄞縣為鄞州治州尋廢以縣屬越州。○太平

寰宇記開元二十六年于縣置明州。○唐書地理志明州餘姚郡鄞縣。○十國

春秋吳越明州領縣鄞。○宋史地理志明州奉化郡鄞縣。○元史地理志慶元

路領鄞縣。○舊浙江通志明鄞縣屬明州府尋屬寧波府

國朝鄞縣屬寧波府附郭編戶四百五十一里

慈谿縣

○輿地廣記漢句章縣地。○太平寰宇記唐鄞縣地。○元和郡縣志開元二十六年

置慈溪縣。唐書地理志明州餘姚郡慈溪。十國春秋吳越明州領縣慈溪。
宋史地理志明州奉化郡慈溪。元史地理志慶元路領縣慈溪。舊浙江
通志明慈谿縣屬明州府尋屬寧波府

國朝慈谿縣屬寧波府編戶二百八里

奉化縣

輿地廣記本漢鄞縣地。清類天文分野之書隋開皇九年并鄞入句章。太平
寰宇記唐鄞縣地。元和郡縣志開元二十六年置奉化縣。唐書地理志明
州餘姚郡縣奉化。十國春秋吳越明州領縣奉化。宋史地理志明州奉化
郡奉化。元史地理志貞元年升奉化州隸慶元路。舊浙江通志明復為奉
化縣屬明州府尋屬寧波府

國朝奉化縣屬寧波府編戶一百二十九里

鎮海縣

清類天文分野之書秦會稽句章縣地。續文獻通考唐為鄞縣望海鎮地。大

